

QVÆSTIO MEDICA.

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS, XVI. IANVARII,

M. DANIELE ARBINET, Doctore Medico, Præside.

An cor magnum paruo præstantius?

1017

PARTIVM quæ in homine generis nobilitate florent, aliam aliâ præstare sentimus, vel ex eo quod sit perfecta elegantius, vel vtiliori & diuiniore facultati inferuiat: Ob illud vtrūque cor natui caloris focus inter primas locum sibi vindicat; sed in publicâ particularum functione pleræque toti instrumento comitatum præbent, sine quibus nulla sit actio, aliæ sunt comparatæ ad agendum commodius, aliæ in quovis organo principem particulam tutantur. Vt omnium quantacūque sint, mutua sit ad absolutum opus consensio, atque vt simul vniuersæ suo vsu (qui est ab actione vel ad actionem) sint profuturæ plurimum ad salutem animalis, tamen cordis quam cæterarum ad vitam tuendam maior necessitas.

CONSTRVCTI sui gratiâ thoracis ad amissum medium, firmum, & refrigerio opportunatissimum locum cor obtinuit, pari à claviculis ad *mesura* musculum recessu, pari à vertebrae ad anterius os pectoris distantiâ. Ea est munitissima regio quæ pacatur numquam, motu semper cietur interiore, quod sit respiratio ad contemperandum vitalis flammæ calorem affuso aëre, ad augendas etiam exclusâ fuligine purioris spiritus copias; neque verò cordis thalami, vt suas opes non diffundant, aliquo tempore oriantur, dissimili tamen in generis ratione, in quibus pulmone tanquam spiritus promptuario non statim faucibus cor vitur, ne idem sit respirationis concentus cum arteriarum agitatione, quæ à corde pendet ac nè vitam duceret impeditam tetro aëre ac pestifero halitu, sed vocem protraheret homo citra offensionem.

COR natui caloris quo partes reficiuntur fons & domicilium, etsi omni suâ parte principatum teneat, tamen quæ vasorum orificio vtrunque est attributa (oræ scilicet interiori ventriculorum) dignitate antecellit, ijs siquidem motionis permixtas est indita, quæ non nisi duræ & ægrè patibilis substantiæ beneficio esse potuit: Itaque ex triplici villorum genere cor contextum est, vt quamquam robore nullum sit organum præstantius, omnium tamen minimè iniurias grauioribus sustineat sine præsentissimo vitæ discrimine; num illud sæpius vegetum adhuc (quæ eius substantiæ constantia est) incredibiles febris æstus patitur? num extinctum pari cum ossibus firmitate iam aliquoties flammam sustinuit? vt hepar est vetustatis patiens, sic cor præpmodum marcidis partibus ægrè senescit, vt eum semper de se vitam promat arx illa, vltimò adueriæ mortis casibus expugnetur.

PRÆTER ampli cordis quandam velut articulationem, quæ futuris capitis similis est, motus proprius, animosa vis illius robur & magnitudinem testantur, si præsertim arteriarum pulsus tanquam fideles internuntij facultatis summe & semper valeant, qui eiusmodi dotibus carent *animosa*, insigni vecordiâ infames verè dixeris, quin etiam cor paruum angusto pectore acerosi sepius diuexato non modò continetur, verum etiam morborum aggressione citò fatiscit, quippe affectus qui accidit ei, ex inopiâ iam in eo præest, vt debilis calor propugnandis partibus minimè par sit; ecce quibus tenue illud *repentinus*, repentinus timor plerumque, gaudium immodicum aliquando mortem intulit.

COR amplum totâ suâ substantiâ agitatur, attrahit valentiùs, liberaliùs suas effundit opes, dilatatis arterijs, manante spiritu, ad seruandam partium temperiem, atque cum præclarè omnibus particulis optuletur, cum certè vnâ cum ratione omne perturbationum genus vi illatâ eximie coercet, si quando rationis iussa accensa cupiditas aspernetur: Ex amplis cordis penatibus vberior copia spirituum & natui caloris animo suppeditatur, illos latratus graues exercent, quies breuior placat; sed illud singulare est quod vt longævitas sic redeuntis aliquando præter expectationem salutis cor sit principium. An hirtis corde nulli audacior? sanè habet cum iucundâ luce virtutis congruentia omnia cordis magnitudo, neque vnquam turpiter jacere potest generosi cordis vis, magno corde esse præditum optimus ad valerudinem & heroica studia gradus.

Ergo cor magnum paruo præstantius.

Le cœur du grand cœur est le plus grand.

DOMINI DOCTORES DISPVATVRI.

M. Simon Boulor.
M. Claudius Tardy.
M. Ioannes Forestier.

M. Michail du Pont.
M. Petrus de Mercenne.
M. Andreas Guier.

M. Petrus Hommets.
M. Iacobus Renaud.
M. Nicolaus Langlois.

Proponebat Lutetiæ IOANNES EDMONDVS CHARRIER, Tricassinus A. R. S. H. M. DC. LIII.